



錢塘韋先生集詩目卷第七

和立春日雪意

和山城燈夜

南溪聯句

和適意

和春陰初遊

和新晴

謝惠瓦墩

謝惠山花菜

和招遊城東園

賦新笋

迎春花

攀過

再和春寒

賦石碁子

滁上聯句

和觀新曆

種蜀葵聯句

代簡二絕

和城頭相望

泛春聯句

和野步

觀雨中杏花

謝惠釀饌

和櫻桃花

又和行字二韻

和正閏晦日

和幽谷口占

又和叢山堂

和遊城西竹園

和飲牡丹叢間 三首

臨清橋吸茶 三首

迂遊龍蟠回

話別口占

餞別勸飲

送別迴作

和剪綠梅花

元日

勸元仲酒

和勸飲

賦欲開杏花

又用花字為即席

遊幽谷賦一川花

和社日小飲

牡丹黃蘗

題二賢堂

辭真守招

夜宿淤丘

泛滁河

入江峽

和徐仲元見送

道原席上

李白祠堂

泛舟清飲

過九華山

冠幘客

閱九華錄

九華驛阻雨

又過九華山

登齊山

弄水亭

過長圍嶺

別滕元發

宿楊梅驛

早行

離楊梅驛

即事

過麴山渡

食鱖

對鑑

道中感興

思侍

感懷

憶覽秀亭

過查林

落日

闡陽驛觀月

宿壇石驛六首

想廬山三首

遠江表

中秋十八夜兩

饒守席上三首

龜峯二首

別楊公濟

行赴雲門驛

謝簡夫惠茶

海陵按事

瑯琊三十二詠并序

客舍早春

桐亭

偃盖松

春晚

海陵逢春

感興

觀雁

憶梅二首

懷景純

燈花

水晶筆架

移紅蕉

風琴

雁屏

春寒

春陰

詠馬

詠素扇

火筋

枯槔

投壺格

花鉄書鎮

鵬孤圖

詠雁

詠鼓

陳後主

方竹杖

訪隱

詠烟

探後園桃花二首

溪上桃

多景樓

和梅花

和燈夕

春思五首

春遊

將歸

和魏州詩

題銳老方丈

答銳老二首

送周開祖

和遊北高峯二首

和温伯道舊

和九日見寄

贈孫朝請

胡巨源換詞三首

簡陳成伯二首

和見寄

飲會即席二首

勸酒

離丹陽

惜花

陳成伯小飲二首

和陳成伯見寄

舟次柳子

石懿老生日

別張樞言二首

陳公武生日

上王舒公

送范同年

中書張侍郎生日

謝假車惠茶三首

和元夕鎖宿

將試進士

和鎖宿即事

道舊

和聞笛

和雪霽

戲呈吳伯固二首

和春風

寄陳君佐

和貢院作

和古鑑

錢塘韋先生集卷第七

和立春日東風雪意偶作

沈：城頭五鼓催東風
連夜逐春回
物心方喜寒威
改雲色猶將雪意來
戟戶勸農牛破土
雌堂介壽樽
浮醅何妨盈尺
統嘉瑞發
滯開萌有迅雷

和山城燈夜

山城燈夕興厭：俗樂年豐
令節參竿首挂星
還拱北雲中迴雁漸圖南
笙簫度曲喧芳席
絲翠交光結秀巖
邦伯欲歸人戀：帳
兵休鼓報教三

上元後南溪泛舟聯句



野渡半篙水春風一葦航
繹柳梢舒嫩綠梅萼泛幽
香
驥補羽撇波起翠鱗
跳日光繹環城得佳趣
清思滿高塘驥

和適意

陽春催物態清暇養天和
求外于情薄陶真所得多
梅苞新爛熳松影舊婆娑
此日銜杯樂何如鼓腹歌

和春陰勅遊

鈴閣興何幽公庭訟不留
未能清晝寢偶作夾城遊
竹色仍烟翠梅香趁水流
持杯聽暮角一任起樓頭

和新晴

泛鷁兼乘竹高低秀色間
野頭生野水鳳翼展晴山
紀撫青春態消磨白日閑
郡園雙白鷺投晚逐人還

謝惠瓦墩

百尺危亭舊路榛自公呼
吸變蘭蓀更憐教奉親興
到分惠芳齋碧瓦墩

謝惠山花菜

鈴下彫盤送山蔬雅惠沾
亂絲銀鯽鱠交疊玉龍髯
日膳榮分美晨羞荷見添
題詩授來使珍重豈知饜

和見招遊城東園

東城老圃埽青苔竹柏深
中一逕開桃藥柳芽俱有

意安排春態待公來

賦新笋

用杜子美詩語為首句

竹裡行厨洗玉盤旋尋新笋搃檀藥柔鞭乍斷泥猶
濕嫩穉初苞蘚未乾象箸偶存遺樣短瓊林終折冷
光寒如何且緩彫觴荐留作青林虎豹者

退之詩云看皮虎豹存

迎春花

欺梅壓柳肯相然佳蹕迎春豈浪傳細葉茸茸垂綠
髮繁英璨々簇金鈿先時不入林鶯妬晚節惟容露
菊鮮繡在羅衣真有趣不將紅紫累婵娟

以前韵作春寒攀迂

春寒山色似昏烟風度譙門晝漏傳露柳軟條金綴
紐雨苔圓點翠遺鈿登樓引領情方遠行帳未詩墨
尚鮮坐想琅和歸路晚兩行紅蠟代婵娟

再和春寒次來韵

雲迷曉日山頭閣風落春梅水面香十里郊原皆有
趣一番歌吹從尋芳佳辰浩蕩情懷愜化國優游晷
刻長更把高才酬勝景他年吟誦信難忘

賦石碁子以機字韵

靈岩山下石採拾比珠璣園璞生雖小文楸數可圍
紛紜星並實黑白玉爭輝值賦神工妙磨礪俗巧非

透闕徑手耐爭道轉心稀落、無情甚誰為勝負机
滌上間日陰晴聯句

陰晴淮海氣何殊一昔風光互慘舒釋大塊養春裨
造化繁雲間日蔽居諸曠暖回沙磧催來雁寒徹冰
池怯上魚釋山色晦明如代謝花枝凉曝似相於曠
朝暎忽蕩川原淨夕鬢還籠井落踈曠快適得朋醜
酥酒困眠無興讀殘書虹霞灼、飛琳館烟靄濛、
襲隼旗釋定與物情均燥濕殆非星好有盈虛曠連
空雪意迷高柳遠舍陽和坼嫩蔬釋林外昏鴉啼野
盡城頭新月上簾初曠

和觀新曆

玉琯初回太簇春新頒中朔到淮濱眼前節物南來
雁出處知時似智人

龍蛇蟄久待春雷鴻雁圖南去却回山國不驚時節
改九天新賜曆書來

雨後城上種蜀葵效韞韁體聯句

不憚移根遠姑憐向日姿春風從自得釋夜雨况相
資敏速飛霜鑿娑娑擁碧枝幽葩茲有待曠雜卉漫
多奇野藿非余尚庭蘭盍爾知釋傾心安所守衛足
豈其私得地何妨從曠干霄固可疑采燿須夏節綠

餅與秋期莫以藜生隱釋惟其秀出宜遷非拔茅進
愛豈握苗為曠色鮮凌溪錦花應當酒危遠欄窠尚
小釋傍砌影猶早援護情宜倍栽培力已施曠桃溪
容爛熳竹筵簞參差不待毛嫵妬釋何嫌魯相辭土
筵憂壓嫩竹挿為扶欹踈密齊行列曠芳華逆疾連
穢莖替間道繁葉珥交垂釋恐踐禽須逐防侵草七
夷養完先固本採折俟乘時屢戒園夫守曠頻煩墨
客窺拾來同地芥吟就比江離泛與蕭蒿長偏饒雨
露滋何如君子德修直任榮衰釋

和荅代簡二絕

遠想陰雲鎖碧山坐聽簷溜響潺湲却驚漏洩洪鈞
妙變化風雷頃刻間
曉風吹聚幾山雲掩抑朝暉氣候昏想望城頭飛蓋
阻郡齋應樂舊書溫

和城頭相望

雨餘山溜漲春溝欲上危亭奉燕遊前望籃輿轉城
角恍疑仙步在鰲頭

畫舫泛春偶聯一絕

近郭風光日一新城頭溪上互尋春曠欲知昨日籃
輿客便是今朝畫舫人釋

和野步自幽谷之寺莊

出郭愛暄韶芳蹊接澗橋輕車侵草色飛蓋拂林梢
自得行春樂且無眠晝嘲淺黃看柳嫩淡碧辨山遙
此院遊曾記他林隱倦招放懷天地濶落日聽歌樵
茅亭觀雨中杏花得中字

茅亭高對杏花叢漠漠陰雲小雨中蜀錦濯來添潤
色燕脂洗出變輕紅幽香肯怯殘梅妬膩艷尤便弱
柳籠不放晴陽老芳態令人曲意度春工

幽谷謝惠新釀家饌奉親

花裡深、使語傳銀壺乘酒副珍鮮翰林舊德垂情

至鶴髮慈親荷惠偏壽殘此時添樂只徂衣今日倍
忻然却吟鄙句通鈴閣匪報尤慚木李篇

和櫻桃花開帳飲口占

櫻桃花裡置行廚一榼瓊漿數尾鱸勇趨紅芳集賓
履玉山頌倚照水壺

又和行字二韵

東風如酒醉朱櫻終日酣、弄秀英天上謫仙乘興
賞一番歌吹傍雲行

和正潤晦日

孟陬閏晦半春光夜刻初消晝刻強谷鳥有聲皆得

意林花無處不飄香池徑夕雨添新綠柳舞東風發
故狂亭壓高城延過蜀湛然清興引益長

和春^曉過幽谷口占

先春當日探芳芽瞬息而今已落花碧窠有心應見
尖豈須新艷引流霞

又和至叢山堂口占

殘紅新綠媚朝晴脚到叢山眼倍明春老物情皆有
趣只應猶欠早鶯聲

和小雨乘興遊城^西竹園

冷逼林坳笋未筠潤通花底砌無塵且傾文舉盈樽

酒莫惜林宗折角巾

和會飲牡丹叢間

移樽近檻就香多輒效花前小子歌頭擴酒腸無惜
醉淡紅樓子獨嗟峨

倒用前韻

宛轉眉山效蜀峨花前執板為清歌、散暗與春風
合催拆芳心不厭多

再和前韻仍以峨字為首尾

峨冠莫惜挿花多、挿名花壯醉歌、罷襟懷肆爽
曠顧平羣險刻嵯峨

和山行迴坐臨清橋啜茶

雲軒迴處引簫笙疑向春霄度鵲橋
上茗杯烹白
雪枯腸搜遍俗緣消

再和

醉向溪頭按洞簫夜瞻略約似星橋
清歡未足班荆
坐一任紗籠臘炬消

暮角清鼓雜鳳簫一時冠帶似園橋
謫仙詩句春泉
湧萬斛量愁頃刻消

偶疾未平不得預龍蟠之遊輒成詩以迂還旆
山城春物已闌珊病肺朝來強自寬
疲蕭未堪隨驥

尾高明空想到龍蟠日烘欄
楮花枝卧風袞階除柳
絮團索筆題詩待迴馭肯將塵語累清歡

牙城話別口占

移節名藩去有期牙城重上思依依
落花也似人情
戀撲袂飄香不浪飛

餞別勸飲

垂楊樓上卷珠簾歌扇輕搖落絮黏
和伯指期移蕩
節州人終日擁彤襜危弦晚鏡催金盞
芳草青山照
畫簷酩酊頭公無惜醉祇應義馭駐岑尖

送別迴作

祖餞初還重化違懶鞭款段入城扉旌旗人去山川
晚臺榭春歸花葉稀鼓吹漸遙空望、旄倪相傾共
依、自憐無以行誠懇惟有詩筒殆庶幾

和耿天曠剪秣梅花得開字

根如芝草不因栽葉似春雲容易開應有靚粧偷艷
去且無狂蝶為香來殷勤玉盞頻飛舉酬酢金刀巧
剪裁爛賞更于何處好蟾光雪色在瑤臺

元日

簇律新聲應寅杓舊觀還三朝思北闕萬壽祝南山
謬添金闥籍遐違玉笋班山城濡滯迨望日想天顏

席上勸仲元著作勿辭酒

百盞先嘗一盞醇三分終破一分春花間剔火香烟
細竹外垂簾画筆新落日穿林照簷額緒風吹草動
堦層莫愁酌酌辭公勸金竿空時迨已陳

和蘇正甫勸飲之作

芳陌草萋々相逢又解携柳梢迷酒綠歌韻怨春低
蘭菊時難一鷓鴣樂自齊送君須滿飲未放錦障泥

賦迎賞欲開杏花得花字

閏月春光助物華杏園迎賞欲開花畫慵工繡工猶
淺曉起宮粧色漸佳嬾々風枝偏弄送酣々烟藥自

交加對君安得辭昏醉更作狂歌恣所誇

又用花字為卽席

春色漫々不可涯謫仙亭館最幽佳歌聲暗逐風中
絮酒筭旁看盞裡花擊鉢題詩助清曠歲闋傳令止
誼譁他年追念從真造炊熟黃果一夢賒

陪秋叔遊幽谷卽席賦一川花

城南幽谷去非賒踏石穿雲境趣佳門下車與情談
冷道旁旌旆影鬢髮生蕭宛轉隨風遠臺榭參差對
日斜白玉為缸載瓊醕未容輕負一川花

和社日小飲

挑菜佳辰過夕醺又逢春社舉清罇不為歸遺東方
態且對韶妍一醉昏

賦牡丹黃蘂

倚欄凋謝若為情旋拾殘紅入鼎烹吞秀嚼香須細
細送春惟此盃羹

和范子功學士留題二賢堂

屹然椽栴傍雲烟榜揭堂名以二賢翰苑鉅公存往
躅集仙膚使出新篇寒光共香山椒月幽韻相投隴
下泉一等敲輝驚海內後先蹤迹似忘年

真守侯公輔見留之勤因辭以詩言欲遽往早

還之意

洗滌炎蒸夕雨涼
慨然行役過鄰邦
旅懷耿耿通秋漏
征舸蕭蕭倚暮江
禮豆輒辭新義許
循言傾聽祇心降
莫疑迹以便奔走雲
下孤親雪鬢雙

夜宿淤丘

古岸維舟夜向深
胡床踞坐絕鷺音
烟林隱隱成孤壘
水月輝^輝幌碎金
勉強官途情易厭
衝蒙祖詐力難任
予心欲道從誰語
祇有清宵一苦吟

泛滁河

十里之間五六灣
行舟終日繞青山
更為先後楓林

翠瓦出東西
古屋閑酒為孤斟
心易倦詩非共賦
思仍慳秋風颯颯吹襟袂
可是無情促鬢斑

出滁口入江決

逆風吹浪雪花翻
舟出滁河浩蕩間
柁轉一鼓鳴似鼓
櫓搖數丈漩如環
路通淮右千源水
望斷江南一帶山
莫恨區區緣吏役
此時清曠亦開顏

和徐仲元以詩見送

火雲湧起勢崔嵬
行舸紗窗一棹開
自是宦途無定迹
莫嫌臺榭屬非材
往還倏忽南柯夢
離合殷勤北海星
更謝人為吉語
果然朝暮得歸來

吳六合道原席上

車舸西來六月初，偶逃遠役且躊躇。
幽尋古寺塵懷放，高會虛堂暑氣除。
地主延留情已厚，故人邂逅樂何如。
回頭塵迹無尋處，姓氏閑于壁上書。

李白祠堂

祠堂前臨姑熟溪，流湛清無泥。
春來秋去幾百載，朝雲夜月長相繫。
堂間画像冰玉質，高風爽氣何凄凄。
文章光焰本萬丈，來此寂寞由誰擠。
當時放蕩沉清骨，固有毅名不漂沒。
莫論楚屈與吳胥，誰有高才追髣髴。

姑熟州宅後泛舟清飲

古群蕭瑟草木秋，牙城北出上扁舟。
喬林有隙山微見，曲岸無風水自流。
竹色雅如侵甍斲，鳥聲時似勸觥籌。
勿咤吏役能拘束，酒興詩腸亦自由。

過九華山

旌騎前頭是九華，未能遊歷已咨嗟。
好將秀色開塵眼，又被浮雲一半遮。

冠幘峯

渡江行役走埃塵，路過名山興味新。
冠幘危峯勿相笑，儼然雲外亦辛勤。

閱九華錄

仙居岩嶽幾千重秀入清冥青氣勢崇他日却來尋勝境且將圖錄記諸峯

宿九華驛阻雨

喜無簷溜滴空階秣馬輕裝入夜推一陣松風驚曉枕又疑天外雨聲來

又過九華山

昔年嘗慕此山遊今日徑行不暇留好意尚為陳迹累碧雞山鳳勿相尤

登齊山

臨歧跋馬向齊山苒苒烟蘿試一攀怪石何年居物表白雲終日伴僧閑氣吞城郭紛囂外勢接江湖浩蕩間况是重陽時節近紫微前詠好開顏

弄水亭

清溪翠嶽兩相宜太上皇帝御名崢嶸壓貴池弄水得名應有謂登山留詠想同時弄水亭本唐刺史杜牧所作牧于此有登齊山詩角聲北起

秋雲動橋影西橫晚照遲佳趣古今看不盡前人遺美後人思

離池州過長圍嶺

孤城西出夕陽偏嶺上行々思渺然草木高底低共秋

色江湖左右各天邊
凌風短鬣無由掠
投宿輕蹄不用鞭
一簇人烟紫岩驛
解鞍聊看月嬋娟

別滕元發侍郎

塵役間關旅思收
幸瞻旌戟少淹留
多年日斷丹青步
再拜心傾萬戶侯
三節行催虎符去
雙毛將近鳳池游
門闌欲別徒惆悵
吟對江山迥不休

宿楊梅驛

兩壁萬千嶂
一却三四家
度橋逢古驛
下馬踏秋花
夜永蛩尤苦
雲空月自華
冷官無好趣
安用五書車

早行

雞聲喔々似相催
秣馬登途酒一盃
海日欲升山頂赤
林霏初散巖頭開
自憐旅夢經千變
誰謂離腸祇九迴
苟祿奔馳還竊笑
未能容易賦歸來

曉離楊梅驛

長坡峻坂足崎嶇
曉出楊梅古驛孤
山腹帶雲如曳練
稻梢垂露欲流珠
穿籬鴨脚深々碧
近水雞冠小小株
行役難勞過佳境
且將幽句慰瘡痍

即事

舞蝶雙飛穿宿露
鳴禽相喚弄朝暾
澗盤石罅長蛇轉
山入秋空翠鳳簷
楓葉園林看自好
菊花時節與

難論高懷不為塵勞減安用笙簫簇酒樽

過麴山渡

碧溪深水不勝篙船尾啞啞一櫓搖岸北岍南秋色
好西風吹葉馬蕭蕭

食鰕

踰尺秋江鰕賞輕愧自深穿腮窺秣賴引鬣訝塗金
拈鼎情雖銳飛刀愛不任何須鱸滿箸始動季鷹心

對鑑

寒光滿尺餘拂拭在朝晡欵面知相應緘毫肯見誣
壯顏隨老歲短髮任秋枯傲骨中事君能照得無

建德道中感興

穿雲度水涉修程日長亭復短亭秋老敲音聞道
雁夜涼精彩見飛螢驚懷過物如縈絮詩思投閑似
建瓴却羨野人收刈畢寂然無事掩柴扃

思侍

旅宦徑秋厭路塵家書累日寂無聞勞身江左馳單
傳極目淮東望白雲俚聽難將至音悅天和學衆
人焚趨庭往々逢寒律叱馭迴轅兩未分

感懷

埃壒滿祗裊誰矜意氣豪獨知安履坦寧復嘆七膏

劍氣藏秋匣，弓聲閉古弦。臨風浩歌罷，短髮不勝撩。
憶後城，覽秀亭，登望。
村落園林有幾家，隔牆遙出拒霜花。自憐馬上看秋色，不似城頭覽物華。

過查林

路向山腰轉，雲從隴首飛。曉天初衣袂，村驛罕乘肥。
覽物驚秋老，論心悞境非。歸期豈寬計，雨雪或霏霏。

落日

郊原爽氣入衣巾，佳趣涼。立馬頻落日，山川無限。
思秋風，江海未閑身。

闌陽驛觀中秋月

却掃陰雲藉晚風，十分圓月挂天東。中秋此夜光華盛，萬國鈞情喜翫同。何處樓臺恨，偏照幾家姐。樽對
寒空自憐獨宿荒山驛，浩興長歌未易窮。

宿壇日驛六首

秋高征袂怯西風，寂寞郵亭倍旅踪。獨有無心清夜月，更深山裡也相逢。

山館蕭條冷似冰，黃昏四壁但蛩聲。無端更惡飛螢點，強起前簷聞月明。

歸期尚遠路程賒，已見秋林菊漸花。莫怪臨風多北

望瑯琊山外寄吾家

求官窮僻本歲頭遠冒風霜不自由豈是有才如碩鼠可能無術似蝸牛

紛紛貴賤則鎔銖義命由來共取諸推己及人之所慕不然何似稱襟裾

獨賢安敢輒咨嗟靡盬當知載舊詩迴轡未堪朝早晚望雲終日起親思

想廬山三首

昔年曾過九江秋引睇廬山不及遊行役今朝乘欲到無端牽制又迴輶

美字疑誤或避御名

訪水尋山好已迂勝遊難必果何如二林咫尺還淹興空讀美廬易覽書

走徧江南二十州廬山未到謾悠悠故知塵事相邀阻惟恐他年取次遊

適江表

水落山高古渡幽馬蹄輕健蹴溪流朝行暮止三千里叙舊建新一十州倦聽亂擘催落日喜看黃菊助殘秋不才于世無裨補強就奔馳祇自羞

中秋十八夜雨望月阻興

賞過中秋後兩夕人心獨待月華多也知不惜饒光

照爭奈閑雲好事何

饒守遊晉老席上偶成

西風吹葉影悠々行役江城旅思收名慕荆州忻一
見道徑翻水愛山三秋芙蓉欲藥斜陽轉鴻雁初飛
爽氣浮不用樽前苦相勸斗肯惟恨怯饒壽

再答和篇

落日山川晚鼓休西風樓閣遠烟收清談疊々忘塵
役酥酒深々戰暮秋獨恨去當霜草路不能留見菊
花浮更慚健句酬衰唱刻燭甘輸第一籌

又和答并叙別

風騫繡額爐香轉江照金樽宿靄收塵客輕裝渡寒
水主人佳句整清秋自忘遠馭瘠兼病豈須閑書沉
與浮回首高城空企望馳情無算不堪籌

龜峯

偶向塵勞得勝遊從觀三十六峯秋巢雲負月幾千
歲欲問神龜不轉頭

龜鳳猿鰲各定名峯々峭怪倚青冥也知造物無情
甚凝結如何特肖形

別鉛山楊公濟

征塵淟泚暮秋時稅鞅登堂暗澣衣久別自憐心鬱

欝相逢今喜語霏々池中盡謂蛟難畜塞上行者馬
自歸落日西風滿襟袖臨歧回首重瞻依

行赴雲門驛

石逕踏羊腸朦朧曉日光久行情易歇少事興還長
林表霜楓赤山根露菊黃從來清冷趣今日倍陽々
謝簡夫太博惠茶

越嶺披春英淮城惠不輕一杯分爽氣千里想高情
吸與幽人共烹宜庶子清揮毫吞瓊貺還愧玉川名

海陵按事

山城幽趣遠海國暮寒多委瑣從誰遣拘攣祇自訶

庭虛度哀雁巷間絕鳴珂案牘索仍外陳編亦可磨

瑯邪三十二詠并序

予官滁踰年矣每投隙遊瑯邪山愛賞不知厭已
雖數有篇句然恨其亭臺池閣景物之多而寫之
不能盡乃為三十二詠以別之

瑯邪山門

雙鶴栖華表仙山自此通雲霞是局鎖塵土若為攻
長松逕

十里開幽迳松陰互蔽虧山翁心亦侈步障青用綠
淨鏡亭

路轉葦簷出山迴秀氣多亭名不須看對鏡已如何
翠微亭

謝屐低前齒登臨勢漸雄嵐光動衣袂知在翠微中
白雲亭

路作兩歧分亭多聚白雲無心本無恋于此尚紛々

醉翁亭

醉翁雜已沒太上皇帝御名在山阿不比陶潛石清時樂自

多

薛老橋

流泉淙處濶跨石々橋橫題柱無蹤跡茫然薛老名

遜泉

兩竇涓々瀉無何後却前誰能來酌飲迴意學相先

班春亭

雲木氣氤氳風光日々新豐謠隨五馬來此聽班春

石流渠

鑿渠疏白石繞檻走清泉不為流觴醉來當滌萬緣

瑯邪山

晋王曾此隱釋子住何年泉石無今古圖經有後先

迴馬嶺

有意尋幽勝躋攀固所懷如今嶺路穩鞍馬不須迴

開化寺

架嶽及依崖軒窗次第開等為方外客于此更清懷

御書閣

岌々中霄漢風傳寶閣香三朝神在奎壁夜交光

陽水篆

筆力真奇偉磨崖幾百年勿嫌人貴耳此學世無傳

庶子泉

宮相湮淪久茲泉日夜生泉存人不見空復著虛名

白龍泉

殿角瀉泓澄涼高登地靈老僧來洗鉢不畏白龍腥

醪醖軒

詰曲小軒斜醪醖一架遮春風零落後潭似雨天花

寂樂亭

踏石穿林去披雲就坐來禪翁寂樂地猿鳥肯相猜

招隱堂

小蹊回石角締太上皇帝御名倚山腰一片幽栖地誰今便可招

歸雲洞

石洞何年有名傳事或非那知為雨後却向此中歸

清風亭

松竹繁陰滿峯巒秀色并暑風從此度別是一般清

大曆井

竹裡藏深井攔鐫大曆春不知開鑿後幾過鍊丹人

千佛塔

礪石施丹履凌雲勢亦孤如何千種相并在一浮圖

石庵

不獨烟霞窟天然石作庵坐禪遺跡在岩溜自香甘

晚光亭

東面雙峯缺遐瞻萬里平朝々滄海日先向此中明

了了堂

了々還未了都忘了始真登堂知此意方悟死前身

望日臺

曾有長安路名題為望日臺樵蕨人不測到此亦裴回

石屏風

造化非無意都如圖畫中猶嫌未奇怪更出石屏風

會峰亭

勝槩當衝要回環擁翠巒烟雲歲不得如在掌中看

法華池

會峯亭下路斜帶法華池不待觀池水塵迷已頓離

東峯亭

山中時節早地勢迎春華歲々東風至先看傍砌花

客舍早春

早春晴霽乍悠々，客舍深沉物趣幽。
日薄草頭初破甲，風旋鳥毳偶成球。
庭柯憔悴紅猶遠，池水澄明綠漸浮。
隱吏近來多執掌，行懷何處一登樓。

桐亭

碧崖高處築遺基，太上皇帝御名帝御名岩然得所依。
境趣似仙探絕迹，登臨如夢悟輕飛。

路穿幽谷雲霞密，勢接豐山草木稀。
欲識主公題榜意，不容紛擾累忘机。

偃盖松

催折風霜久，猶傳偃盖松。
只憑文筆力，何必大夫封。

春曉

百舌穿林語未完，悠々歸夢忽驚殘。
心知庭外春霜重，裘整单衾覺曉寒。

海陵逢春

海角春初至，林樊氣未和。
天寒梅發晚，沙近雁飛多。
窻紙疏明玉，簾旌蕩翠波。
旅懷隨日長，索莫不勝歌。

感興

富貴功名豈足邀，鷓鴣所得各逍遥。
古今多少難齊事，燭理都如見曉消。

觀飛雁偶十有三

肅羽度春晴，羞肩足弟兄。何時別燕塞，此日類秦寧。
應律鼓猶刺，排空字宛成。冥冥奚可滯，惆悵弋人情。

憶梅二首

去年幽谷探寒梅，把酒曾將累句催。句不意今年行
海角，玉英開盡未歸來。

向來踏雪舊枝旁，指日相期折素香。可是去春吟太
苦，聞招離別間清狂。

近元夕懷景純少鄉

憶逐雙旌下暮城，歲華垂盡魄哉生。瞬眸已見元宵
月，歸步猶淹累日程。遠想笙簫同衆樂，坐憐刀筆久

相嬰。馳情只有清輝共，更走詩筒代寄聲。

燈花

燁々銀檠上，開榮歛爾新。芳心惟報喜，艷色不關春。
翠幕障風穩，蘭膏借潤頻。屢占昏取驗，始信有花神。

水精筆架

璞琢窮工巧，書帷適用高。得鄰輝寶墨，栖近卧文毫。
匪月光長在，非冰暑自逃。千金不論直，一字若為褒。
自寶豐鎮移紅蕉于永陽後園

為愛紅蕉品格殊，移根千里涉崎嶇。不知今歲秋陽
裡，能有丹心似舊無。

風琴

穴竹張絃聳碧空不勞抑按任天風莫誇有智藏
散足須心無觸處通明月夜深飄更遠閑窻人靜聽何
窮知音弗辨山兼水都洪鈞一噫中

雁屏 衝枕

羽翮本雲程丹青入小屏長年離遠塞盡日啄寒汀
暮角無驚勢春風悄去翎幾回疑繫帛旅枕夢初醒

春寒

蒼霜重如雪池水冷于冰鳥舌生根澁花心起怨憎
旅人尤倍覺年少尚難勝欲作新春飲高樓未可登

春陰

雲靄結青冥成陰重復輕雖知養春色終是慘人情
索莫初花態躊躇去雁散芳時不宜忽紫陌待暄晴

詠馬

種格得房精權奇豈易名耳批秋竹薄蹄蹴水雲輕
後受雙羈制誰知千里程未為良樂過春陌自長鳴

詠素扇

不羨裁紈妙惟憐入手輕月從天上落風向座中生
却暑期宣力經秋任寡情人心能似此及物豈無成

火筋

勁直不容偏穢，體並圓附矣。非曲致執，契藉雙全。
熾炭隨方減，寒灰應手然。洪爐在調適，持此以為權。

桔槔

露井無窮惠，机心在桔槔。淺深皆應取，俯仰不為勞。
固免羸瓶悔，全勝短綆操。如何翻鄙笑，抱甕自孤高。
投壺格

古來壺矢樂今日，亦釣情慶馬誰亡。法論籌自有評，
較能分勝負。按數計虧盈，好是摧机中收功。特地輕

花鐵書鎮

鐵尺平如砥，銀花貼軟枝。成由巧匠手持，以鎮書為

彈壓全緊爾，推遷寔在台。不能柔繞指，方冊最相宜。

鷓鴣圖

戢翼下雲中，鷺孤計遂窮。筆端傳擊搏，座上感英雄。
猛勢看如活，妖鬼覺已空。推姦當若此，不獨畫為空。

詠雁影

所賦一何鈞，悠々各一身。行藏寧逆物，進退本由人。
向晦多忘累，逢明固任真。會沙尚能禍，辨早莫因循。

詠鼓

寂寞曾非迹，能聞乃辨鼓。于人緣有感，在物本無情。
濤怒中秋盛，雷威百里驚。更論空谷答，至理自相傾。

陳後主

倚閣寶為床
遊花曲韻長
三妃惑沉湎
十客助驕荒
不作強鄰備
還罹獨足殃
胡顏猶侍飲
更獻請封章

方竹杖

釣是龍孫種
憐方與衆殊
既能同勁直
還自表廉隅
雨露恩雖一
風霜迹更孤
端人以為杖
氣類雅相符

訪隱

暫出紛囂外
相尋寂寞鄉
門風竹影撲
座露花香
白玉為琴軫
丹砂貯藥囊
疑年閑試問
甲子亦都忘

詠烟

漠々復霏々
因風任所之
山家晨起後
渙舍晚歸時
散遠連雲沒
飄斜悞鳥隨
更堪縈旅思
悵望碧江湄
探後園桃花二首

憶對殘花邀客醉
留連花下惜芳辰
而今只待微紅露
便向枝頭覓舊春

藉艸開樽徃興深
搖花落盡十分斟
當時已有今年約
肯放花殘負賞心

溪上桃

數本臨溪岸
春多色更天
暗香穿水膩
細蘂入風嬌
枝卧侵微草
紅繁蔽小橋
武陵迷客路
與此不相遼

多景樓

盡道人間占勝遊天將多景遺斯樓江山遠領窮千
里風月平分入兩州日：高明疑後夜年：蕭洒覺
先秋不知今古登臨客消却塵懷幾斛愁

和李景純以梅花盛開見寄

晚寒雖在有春催坐想庭梅爛熳開滯迹方愁冰蘂
過清風還喜玉音來傳芳酷重裁雲手比美遙評傳
粉腮歸見餘花須共醉相宜况有水晶盃

又和燈夕見寄

撇來海國未言旋歛見新春換舊年佳節阻陪千騎

樂元宵空想萬燈燃民散喧溢豐時歲酒價飛騰要
市鄽多謝高情不返棄清詩相寄寶珠圓

春思五首

庭前弱柳黃金紺池畔新苔綠玉錢可是燕鴻戀韶
景猶將健羽度晴天

香心天艷尚色藏蜂蝶優游苦未忙何處紙鷁飛白
晝幾家歸燕認彫梁

青烟拂、撲晴暉簾幕無風永日垂不恨離人歸不
早只疑春色故相欺

迎來碧瓦減早霜春意垂滿衆芳未覩花光照庭榭

且看草色稅池塘
半嶠半舒雲外日似無似有水邊風羈愁不為陽和
減只恐因春綠鬢空

春遊

春遊是處接紛華寒食風光日欲斜
柳拂畫橋嘶玉勒草綿香陌度金車
雲邊蹴鞠散相遠花外鞦韆影半遮
莫羨少年多意思隨時行樂自無涯

將歸

他鄉蔽訟改新年事竟歸心頓釋然
坐歎簾間窺晝景行將馬上看春天
無窮芳草含朝霧幾許初花倚

暮烟長陌風光應漸好羈懷朝夕付金鞭

蔡仲遠內翰出魏州劉龍圖所寄詩因次其韵
暫離翰院出南州
匝金雞絡馬頭
泉石清幽為已物
耕桑勤苦共民憂
筆驅滯事如飛
電語決塵緣似破
滙內閣舊交書
遠寄心期猶未許
裴你

和仲遠留題方銳長老方丈

當知迷悟不相因
舉手如何拂鑑塵
試問禪翁住方丈
近來多少晚參人

又和仲遠答銳長老二首

庭柏經霜色半黃
暫安禪室意陽
高懷洞照人間

世覓鶴份：自短長

山前旌劔弄晴光
瞻謁裴回殿閣香
却坐靈堂問禪
伯莫持迂論作金湯

送周開祖赴闕引對

君由雁蕩解官時
我亦瑯琊受代歸
邂逅故鄉方道
舊途巡行舸又成
違十年離合都如
夢千里衝蒙勿
自稀况是楓連將
奏課好摠奇蘊動
恩輝

和鄧温伯內翰九月七日約遊鷲峯

幸奉清遊入翠微
陰雲漏日照旌旗
登高預整孟嘉
帽訪古閑尋白傅
詩桂子正傳飄岸
客菊英先喜泛

鷲字當是
北高二字誤
併為一

瑤瑤公歸留宿湖山暮
恐誤刻闕竹馬兒

用別韵再和

岱嶽參天十八盤
當年旌旆許追攀
茲遊况近重陽
節何幸還陪一日
閑陟嶽舍車登岌
愛泉持酒聽
潺湲玉堂健筆成
高詠欲和臨池恨
思慳

和温伯道舊見寄

憶隨星騎按膠東
屢說餘杭氣象雄
今日共為鄉里
慶看公雙擁旆旌
紅回環山水仙壺
外高下樓臺盡
幅中剩把豪篇傳
美概免教清話又
成空

又和九日有懷見寄

九日風光不可辜更堪蕭^西在江陽興如藍水真能造
詩比齊山亦自娛莫向三秋悲齒髮須將一醉等賢
愚酒闌忽憶膠東路跋馬隨軒望上都

致政孫朝請過故里為五老之會

榮參天上列星躔閑向人間作地仙故里相逢十華
鬢一時同會五高年圖傳略過商山叟齒序幾齊洛
宅賢有子奉觴公最美繡衣使者綵衣鮮

胡巨源郎中挽詞三首

官榮符列宿政術妙專城未盡平生蘊俄從長夜行
但情歸浩蕩爽氣入清明獨有南州俗空傳遺愛聲

語論常驚座精神迴照人中途多坎壈久疾遂湮論
髣髴朱輪改裴回畫髮新秋風入袂挽行路亦傷神
汲守卧猶治馮郎髮半華冥鴻方避弋美玉已埋砂
露濕銘旌重風垂輓拂斜九原無甚恨嗣子善傳家
汴上簡陳成伯學士

除書何日到宣城水驛迢迢引旆旌千里謳謠猶在
耳雙溪風月豈忘情行庖荐玉淮魚美坐席浮香楚
醴清何幸舊遊衰晚者得隨舟尾共修程

次韵荅可和

蒼茫雲水度淮城櫓影聯聯注羽旌汴泗幸隨行舸

未潇湘况重故人情
晨征共濟襟懷豁
夜泊交談氣味清
應有高篇思宛句
可無美耐徒烏程

和見寄

公到達瀛十五春
我猶碌々似輕身
自忻今日旌軒
遇却憶當年研席
親高論聳聽多暇
孤棹懶叙且循々
試將草學樽前數
白髮相逢有幾人

和丹陽守許仲途朝議春深飲會即席二首

寶爐香穗戰春寒
四座融怡極日歡
且樂盃觴隨水曲
莫愁烟雨滿江干
首題詩句爭傳詠
欲挿花枝更細看
衆客為公醉頃一醉
何妨例著接羅冠

疑恠和風却暮寒
華堂賓主正酣歡
人間高會真難偶
身外浮名豈足干
綠燈泛杯春可吸
紅英近燭夜耳看
梁塵莫逐歌聲轉
只恐紛紛撲醉冠

勸酒

二月已破三月來
青春白日映樓臺
勸君更飲一杯酒
一月人生笑幾回

離丹陽

人從北固山前去
雲水蒼茫日向西
今夜渡江何處宿
楊花落盡子規啼

惜花

東風吹園雜花開
不忍虛擲委黃埃
且來相就飲一
斗漸老逢春能幾回

和陳成伯小飲

布素平生友如公
乃達人相逢臨遠水
累歲望清塵
萬語難窮意三杯
且混真鵬鷗各飛舉
同是未歸身

再和

百丈峯河濱相歡席
上人香飄清近水
歌動淨無塵
良會誠難又開懷
好任真心期在他日
湖海共開身
再和陳成伯見寄

兩篇添思敵青春
開撥塵昏向此身
道舊悠々言易

感論心炯々
誼還親光陰似轂何難轉
事物如環且
謾循白雪調
高知寡和強
歌徒愧郢中人

舟次柳子小飲呈成伯學士

久客無佳思
長途有戒心
繫舟偕擇地
擊柝互傳音
西月光猶淺
南薰候已深
一樽雖冷落
所幸不孤斟

石懿老大夫生日

萬石風流盛
中秋氣序清
門孤當日慶
壽域此時盈
庭下芝蘭茂
腰間印綬榮
况高頤養
龜鶴未長生

留別張樞言就圖二首

夔臯事業久
敬華尚鬱謀
猷世所嗟專
聞收功全整

暇偃藩從請示優嘉高談聳服三千客和氣融怡十
萬家不日九天飛詔下行看驤裊蹴堤沙
政成西蜀肆高懷乞得東吳盛府開千里恹舒都在
手百城趨稟孰為才恩寬疲瘵精神健威懾姦愾膽
氣推下客拳、惟慕誼欲違旌戟更裴回

陳公武中散生日

身作名卿早挂冠飲冰清節久堅完門孤遠想當年
慶壽瓊宜深此日歡替後說、侍佳讌絃苑丹、戰
輕寒葭葦敢以詩為獻惟祝公如衛武安

過金陵上僕射王舒公

己未冬

天眷皇圖盛真儒德性高文章追孔孟事業過伊臯
難進^輕三幣功收變一陶斗樞符幹運主柄贊持操萬
務由吾揆千齡慶所遭邦財理豐本民力較秋毫惠
徧農無乏輸均役不驕保兵知謹守祿吏絕貪饜信
令朝廷重伸威塞境牢深謀歷夷狄侵地復岷岷萬
里耕桑富中原氣象豪河淤開億頃海貢集千艘著
義尊經典更科待雋髦養材從引類設學派紛袍試
士先三尺傳師或六韜進賢輕似汲去弊勇如薜化
俗遷狙詐乘時等鳳翔赤心全傲、鄙意過滔、表
正銷群靡言深決衆諂郭崔奢自滅楊墨謬皆逃勳

揆穀誤

烈輕銘昂光華外奏驚台階迴遠趾仙觀乞閑曹異
 寵珍帶優恩避節旄鍾山歸舊隱槐府較先勞不宰
 經綸效潛忘簡策棗烟雲供嘯詠風月相遊遨古寺
 惟輕屣秋溪只小舸羹調梅飲宴早放兩牧膏震宇
 恬安枕衣冠賦執翽何時傳入覲群望慰嗷

送范子鎮承議同年宰清涼

願君安慮宰清涼已雪南閩大獄冤勿嘆割雞猶屈
 及當知容駟可高門解舟蘭水春沙淺稅鞅榆關夏
 木繁所得最多公誼在他年富貴豈須論

中書張侍郎生日

薰風初泛舜絃教茲嶽儲精王佐生巨室當時慶孤
 天熙朝今日贊机衡燕堂榮映台躔近壽域光浮晝
 景清願祝修齡如衛武長揮相筆化隆平

遷居近局謝陳成伯假車惠茶

冷官遠室足間閔疲馬羸兵倦往還局左卜居甘迫
 窄城東寓近謝寬閑短轅助載方銜惠靈葑蠲煩愈
 厚顏面腋風生家事少併吟慚匪昔賢班

再和荅篇

為困奔馳乃近遷勿吟飛倦不知還起朝遂免三更
 起歸舍新添數刻閑謾致鄙篇酬雅贖却煩秀句解

衰顏高軒若許來驚座陋室杯盤亦可班

又和來篇

已愧蒼葭倚玉難更慚投磔引珠還盧生破屋居新
穩韓子豪篇語自閑雖有清樽佇高躅須期黃菊奉
朱顏自惟雅集猶淹後詩戰雄師未允班

和趙達夫元夕禮闈鎖宿次韻

元宵鎖宿禮闈清春意寒威兩戰爭月照樓臺疑晝
景風傳車馬訝雷聲嗟耽自愧青雲志勤苦須鄰皓
首生勿嘆拘牽度良夕共開精鑒選徑明

次韻楊久中將試進士

雙扉盡日閑舊觀恍然還進士將紛集徑生且暫閑
較材歸俊傑兀坐屬踈頑遠想駒空谷移文愧北山

又和鎖宿即事

金門拜教望嚴宸禁陌聯鑣傍早春此日貢闈身亦
與昔年文陣意如新為僚况偶群英集投隙何妨雅
論頻共念殘科多滯士歸期後指甲申旬

示黃彥發歐陽勉甫道舊

浮世難逢故舊併貢闈風月可忘情當年論事皆陳
迹此日評文亦浪名荏苒光陰踰一紀間闕志氣話
平生且將鶴詠消隙閑鵬鷗道遠理自理

後理字恐是明字

和久中聞笛

風搖古木影蕭疎何處飄來暮笛音香：洄如天上
曲悠々不減隴頭吟未逢明月心猶恨却憶殘梅興
六深幽思索迴長不斷欲量應及數千尋

和達夫雪霽

雪餘着處是瓊瑤惜向春風勢易消野色澄明徑一
洗鳥散喧湑自相招潤通弱柳晴明媚清逼歸鴻雲
路遙浩蕩幽懷吟不盡高樓斜日望寥寥

戲呈吳伯固同年

白玉埤前共得仙而今邂逅半華顛評文我辨異同
字出義君持難易權畏簡不能成共酌行情莫惜寄
新篇上林春晚歸鞭動意思何如癸巳年

又次前韵答所和詩

裁句清如李謫仙揮毫放浪近張顛偶于貢部同官
責更向詩壇擅將權戲筆謾追丹桂舊報言還愧木
瓜篇一樽何處偕吟嘯浩興猶堪逐少年

和九久中春風

二月東風勢渺漫侵陵和景作清寒發揚造化非無
力鼓動芳菲自有端聞草戲兒愛手痒懷邊思婦忍
眉攢祇輸便腹忘机者不廢書帷晝寢安

寄陳君佐

山陽判袂幾三紀，鉄柱題名過十年。聚散信如萍逐水，光陰奚翅若離弦。高材未用君猶健，弱羽無我自全。鳧雀短長何足算，相逢樽酒且留連。

次韵和子友貢院作

晚躍驂駟紫禁開，詔音不許少淹迴。斜鞭忽過天街柳，曳履還侵佛閣苔。畫幕四垂如近漢，夜燈相比似占台。會將精識掄荆璞，當有孚尹應手來。

和中裕古鑑

君有青銅獨可憐，規模竒古衆疑年。寒光不減雖人致，真鑑無欺本自然。秋水未堪方洞照，霜蟾應是恨長圓。主人較藝還如爾，坐別嫫施醜與妍。

錢塘韋先生集卷第七

蕭先生集

卷七

三

國

